

# اسم الله المؤمن | الجزء الرابع | الحلقة ( 40 ) | #إنه\_الله | د .

## حازم شومان

حازم شومان

انه رب العباد وخير زاد. بسمه الكافي تمسك. انا رأيت انا رأيت الرزق لو تحس بالاختناق كل هم كله محزون كسير يحمل اما الكبير ليس غير الله يرجى. انه نعم النصير - [00:00:00](#)

السلام عليكم ورحمة الله وبركاته. اخواني واحبابي في الله. امة محمد امة الاسلام. الامة اللي ربنا اعزها بالاتصال بالله الامة اللي ربنا اكرمها بمعرفة الاسماء الحسنی. الامة اللي ربنا اكرمها باسم الله المؤمن واسم الله الواسع. واسم فيه اسماء من - [00:01:00](#) اسماء الحسنی يا جماعة ما فيش حد في الدنيا عارفها قبلنا. زي اسم الله الواسع كده. يقول لك ده من مبتكرات الاسلام. يعني ده ده حاجة كده ربنا اداها لنا - [00:01:30](#)

الامة اللي ربنا اكرمها بمحمد عليه الصلاة والسلام. الامة اللي ربنا بيكرمها كل سنة في رمضان. بتنزل جبريل عليها حتى بعد موت نبيه عليه الصلاة والسلام بتنزل جبريل عليها في ليلة القدر. كل سنة الامة اللي ملايكة السماوات السبع بتنزل لها كل ليلة. في تنزل لها في ليلة - [00:01:40](#)

القدر في رمضان تحتفل بذكرى نزول القرآن معها. السلام عليكم يا امة محمد. ربنا يؤمننا مما نخاف. يا رب. احنا دلوقتي في المعنى الخامس من اسم الله المؤمن وهو المجير. من معاني اسم الله المؤمن الاجارة - [00:02:00](#) ان ربنا بيعطي ثلاث حاجات يا جماعة ركزوا معي في المعنى ده. ثلاث حاجات ما نقدرش نعيش من غيرهم. فيه ثلاث عطاءات مذهلة لاسم الله المؤمن في المعنى ده في معنى الاجارة. عطاء الاجارة - [00:02:17](#)

وعطاء اللجوء وعطاء الحصانة. ركزوا لان آآ فيه ضعفاء كثير اوي هيبكوا هيبقوا ايه الكلام ده نساء مزلومة ورجال مزلومة. فيه ناس مقهورة يا جماعة اتقهرت من ناس اقويا ومش عارفة تعمل ايه. فيه ناس اتزلمت - [00:02:31](#)

وتداس عليها اوي ومش لاقية سند ومش لاقية ملجأ ومش لاقية حد تروح له. عطاء الايجارة زي قول الله سبحانه وتعالى. قل من بيده ملكوتك كل شيء وهو يجير. فكرت فيها دي قبل كده ؟ كلنا بنقرأ وهو يجير ولا يجار عليه. استنى بس - [00:02:54](#) كل كلمة من كلام ربنا عالم. شمس جديدة بتشرق على حياتك وعلى قلبك وعلى نفسك وعلى شخصيتك وعلى عقليتك. وعلى طريقة تفكيرك وعلى اهدافك في الحياة وهو يجير انا اقف وهو يجير انك انت تلاقي حد تستجير به. لو حصل مصيبة. زي قول رسول الله صلى الله عليه وسلم - [00:03:13](#)

من صلى الفجر في جماعة فهو في ذمة الله. يعني في حصانة واجارة من الله سبحانه وتعالى. لما تقع في زنقة. تقول اللهم اجرني يا مؤمن. الاجارة هي الحماية ان ربنا يحميك من اي حد. ما فيش اي حد - [00:03:36](#)

يقدر يقول لك وهو يجير ولا يجار عليه. ما حدش يقدر يجور عليك. وانت في حماية ربنا. يعني ما فيش اي حد يقدر يحميك من ربنا. ولكن ربنا يحميك من اي حد. العطاء الثاني في اسمه في معنى المجير. عطاء الحصانة. عارفين الحصانة الدبلوماسية كده عضو في مجلس الشعب. فيه حصانة - [00:03:57](#)

يعني ما حدش يقدر يقرب يعني الاشارة ان انا باروح ملجأ انما الحصانة انا في مكاني ما حدش يقدر يقرب اصلا مني. وانا في مكاني عارفين سيدنا هود لما بيقول فكيدوني جميعا. ثم لا تنظرون. انا آآ كلكم كده حطوا ايديكم في ايد بعض. عشاني. ضدي - [00:04:17](#)

ثم لا تنظرون اوعوا تدوني فرصة اوعوا تقولوا لي بكرة هنيجي نموتك. بكرة هنيجي نسحك لا لا انا واقف اهو. يلا بسرعة اعلى ما في خيالكم اركبوه ان توكلت على الله. ايه ده! ايه الجمال ده! ايه جمال الانبياء اللي نفسنا ان احنا نبص في وشهم في الفردوس الاعلى. اللهم اجمعنا مع اولي - [00:04:37](#)

حزم من الرسل وهو مع الانبياء والمرسلين في الفردوس الاعلى يا رب. ايه الجمال ده! الانبياء كلهم كان ده شعارهم يا جماعة انا انا في حصانة من ليه ؟ عشان الدعوة الى الله. عشان ربنا سبحانه وتعالى هو دا قول الله سبحانه وتعالى. والله يعصمك من الناس. يعني انك تبقى في - [00:04:57](#)

من الله. طب وربنا قال للنبي والله يعصمك امتي ؟ بلغ ما انزل اليك من ربك. ان كل بقى تشتغلي في الدعوة الى الله كل ما ربنا هيعصمك فانت في عصمة الله طول ما انت في دعوة الله يا بختهم اللي هيعيشوا حياتهم يتكلموا عن ربنا. يا بختهم اللي هينذروا حياتهم لدعوة ربنا ولك - [00:05:17](#)

كلام عن الله وللبلاغ عن الله خلي الزالمين يقفوا في وشهم. خلي اللي مش عاجبه الدعوة الى الله يقف في اليوم في النهاية. هم والله يعصمك من الناس زي ما قلنا الوقتي من صلى الفجر في جماعة فهو في ذمة الله. يعني في حصانة من الله سبحانه وتعالى. يعني في حصن حصين - [00:05:37](#)

الله طول اليوم آآ زي ما العلماء قالوا نفس الكلام يا جماعة على الصيام. العلماء في الصيام قالوا معنى جبار ائمة السلف. قالوا ان عبادة الصيام دي عبادة فيها حصانة - [00:05:57](#)

حصانة! يعني لما تروحي تقفي على القنطرة بعد ما تعدي من على الصراط! اي حد زلمتيه! زوجك زلمتيه! خنتيه! آآ انت زلمت اي حد مسلم زلم مسلم وخزله بتلاقي اللي انت زلمتهم بقى واللي انت كلت فلوسهم واللي انت اعتديت على اعراضهم واللي انت اغتبتيتها واللي انت نमित عليها بتلاقيهم واقفين - [00:06:07](#)

بقى مستنبيك على القنطرة. فبياخدوا من حسناتك حسنات الصلاة ياخدوها. حسنات الذكر ياخدوها. قال لك العبادة الوحيدة اللي فيها حصانة ما حدش ما بياخد منك حسنات على القنطرة هي الصيام. عشان كده المفروض نكثر على قد ما نقدر من عبادة الصيام ونفرح بمرضان. لان دي - [00:06:27](#)

صان من الله. رمضان ده من اسباب حصانة الله للعبد المؤمن. لان اي حسنة انت عملتها ممكن حد زلمتيه في الدنيا ياخذ منك الحسنات دي على القنطرة الا حسنات الصيام - [00:06:47](#)

العتاء التالت عطاء اللجوء اكبر معسكر للاجئين. بورما عاملة المحرقة بتاعة المسلمين احياء على بعد امتار من معسكر اللاجئين ده. فاللي يقف في المعسكر يشوف الدخان اللي طالع من المحرقة وهم بيحرقوا اجساد المسلمين قدام عينيهم. عشان ما حدش يرجع تاني. انتم متخيلين يا جماعة بكلمكم عن واقع. اكلمكم عن حقائق - [00:07:01](#)

باكلمك عن آآ عن كلام حدس بالفعل اكبر معسكر للاجئين في العالم. اربعة مليون مسلم على الحدود بين بورما وبنجلاديش آآ زي ما قلت لكم عاملين المحرقة ديت عشان الدخان اللي بينبعس من حرق اجساد المسلمين يخلي ما حدش يفكر ان هو يقرب من البلد تاني. آآ نفس - [00:07:23](#)

فكرة اللجوء السياسي آآ انك انت تبقى خايف ومرعوب من المكان اللي انت فيه. واول ما تعرف تسافر مكان تاني تاخذ فيه لجوء تلاقي نفسك بقيت واحد تاني. ومطمئن وبتقول اللي انت عايزه ايه يا عم اللي حصل يا عم انت بقيت سبع رجالة فجأة ليه ؟ لقيت حد الجأ له. وان احد من المشركين استجارك فاجرك. فاه - [00:07:43](#)

اجر فورا حتى يسمع كلام الله. طب وبعد ما سمع كلام ربنا ثم ابلغه مأمنة. لما يحب يسبب البلاد الاسلامية بعد ما ادانا له لجوء سياسي عايز يروح مكان تاني نأمنه ونحميه لحد ما يوصل لمكان امن. آآ يعني قمة الاخلاق اللي في الدنيا الاسلام. هم بياخدوا منا القوانين دلوقت - [00:08:05](#)

بيتفخروا بها آآ بالقوانين دي علينا. يعني مش تأمنوا ولما يلجأ اليك تجيره وبعد كده تقول له بقى مع السلامة لأ. لو هيسبب بلدك

حتى وهو ما اسلمش وصلوا لمكان امن ما حدش يقدر يزلمه فيه. عشان كده اسم الله المؤمن بيظمنك جدا جدا جدا. المعنى السادس  
[00:08:25](#) -

اسم الله المؤمن مصدر الامان من التهديدات في الحياة الحياة تحت التهديد احساس مرعب اللي عايش جنب بركان مهدد انه ينفجر  
ينفجر فيه في اي لحزة زي اللي مربوط في رقبتة قبلة مهدد انها تنفجر فيه في اي لحزة - [00:08:47](#)

يا جماعة فيه بنات بنتنحتر كثير جدا جدا. ليه على السوشيال ميديا بنت انتحرت ليه ؟ لما شاب هدها بصور او بتسجيلات بينه  
وبينها. فيه مسلمين عايشين في رعب في بورما زي ما قلت لكم. لان هم تحت تهديد الحرق وهم احياء. فيه ناس عايشة حياتها تحت  
تهديد الحرب في اي لحزة. فيه ناس - [00:09:07](#)

وهددت امنها فيه ناس مهددة في ولادها فيه ناس مهددة في رزقها امريكا شوفوا ربنا المؤمن. اصل المؤمن بينتقم للي عايش تحت  
التهديد من اللي هدهه. امريكا في نفس لحزة دخولها في العراق يا جماعة الفين وثلاثة - [00:09:27](#)  
وعيشت شعب العراق تحت التهديد وتحت الرعب واحنا فاكرين اللي حصل ايامها. في نفس اللحزة في نفس السنة الفين وثلاثة ارسل  
عليهم اعصار ايزابيل الاعصار ده يا جماعة الناس في امريكا وصلت من الرعب ان كل الرجال والنساء والصغيرين والكبار كانوا  
ماسكين ماسكين ازايز الخمرة - [00:09:43](#)

واقفين في الشوارع من الرعب يشربوا الخمرة عشان يتخدروا وعشان يسكروا وعشان ينسوا الرعب بتاع الاعصار. اللي عايشين فيه  
كان فيلم رعب امريكا عاشت فيلم رعب. اسوأ شيء في الحياة - [00:10:06](#)

ان انت تبقى عايش تحت التهديد مهدد بالموت او بالقتل من انسان مهدد بالقهر. مهدد بالقصف. مهددة بالطلاق مهدد ساعتها يبقي  
اقصى حلم لك في الحياة تلاقي حد تلجأ اليه - [00:10:21](#)

انك تلاقي حد تتحصن به انك تلاقي حد يأويك زي ما النبي عليه الصلاة والسلام قال الى الله فاواه الله. على فكرة يا جماعة احنا كلنا  
تحت التهديد اصلا تهديد ابليس. هو ربنا سماه الشيطان ليه؟ اه - [00:10:37](#)

الشيطان آآ من شيطنة يعني هو ممكن من شيطنة يعني البعيد والعياز بالله. وممكن من شياطا الشايط الوالع عارفين يقول لك الرز  
نشاط يعني الرز اتحرق يعني فيه واحد والوع ومحروق منك عايز يدمرك عايزك تبقي واحدة من اللي هيقعدوا قدامه في جهنم والعياذ  
بالله في - [00:10:55](#)

في اهل النار. عايز عايز يدمر لك حياتك. عايز يتعسك. عايز يكتبك. عايز يطلقك. عايز يخرب لك حياتك. عايز يخرب لك بيتك.  
الشيطان في مهدد بالشيطان عشان كده بنقول ايه؟ اعوذ بالله من الشيطان يعني ايه العوز؟ العوز في اللغة انك انت تروح لواحد آآ

يعني قوي ويقدر - [00:11:15](#)  
وتقوم داخل في ضهره وتقوم مكلبش فيه وتقول له انجدي. احميني حصني من الخطر ده فالعوز هو اللجوء لما يكون فيه قزف في  
حياتك وعايز تلجأ لحد سبحان الله! اوى الى الله - [00:11:35](#)

فاواه الله. الرسول عليه الصلاة والسلام نفسه لما اتعرض للتهديد بالطرد من مكة. دخل في جوار المطعم ابن عدي التهديد صعب قوي  
يا جماعة التهديد معنى صعب جدا في الحياة. آآ معنى مهم اوي من معاني اسم الله المؤمن. المعنى السابع - [00:11:51](#)

المؤمن مصدر الامان في القبر ويوم القيامة وفي الجنة اصل فيه ناس ممكن مش متخيلة يعني ايه مصدر الامان في الجنة لا يمسه  
فيها نصب وما هم منها بمخرجين. ما انا ممكن - [00:12:09](#)

عاش في قصر وعايش في نعيم ما حصلش. بس انا مهدد في حياتي. القصة يا جماعة الانسان مهما وصل هو بامكانياته مهدد. الانسان  
حتى لو في وسط القصور وهو مش امن. هو مش امن الا لو اتصل بالمؤمن هو ده الامان الحقيقي بقى. هي دي وسيقة التأمين

الحقيقية - [00:12:24](#)

هو ده الامن القومي للدول وللمجتمعات بحق وحقيقي. هو ده مصدر الامن والامان الحقيقي. عشان كده من اعزم اسماء الله اللي انت  
هتحتاجها من اول لحزة بعد الموت. بل من اول ما ملك الموت هيدخل عليك والوف ملايكة الموت واقفين مستنيين - [00:12:44](#)

نزع روحه من جسد الانسان عشان ياخذوا الروح ويطلعوا بها للسماء. من اكثر اسم هتحتاجه في هزه اللحزة هو اسم الله المؤمن. شف مين هيعمل لك ايه في القبر؟ شف بقى القبر ده اكثر مكان مرعب يعني. يعني ما فيش مكان مرعب في الحياة اكثر من القبر.

الرسول عليه الصلاة والسلام بيوصف لحزة دخول الانسان الصالح - [00:13:02](#)

للقبر يقول عليه الصلاة والسلام فان كان مؤمنا شف بقى كده غمضي عينك بقى. غمض عينك كده تخيل انت داخل القبر. داخل مكان

الفرع. داخل مكان الخوف. شف بقى اللي هيحصل. فان كان مؤمن - [00:13:23](#)

فجأة كانت الصلاة عند رأسه في بودي جارد كده كيه وقف عند راسك وكان الصيام عن يمينه وكانت الزكاة عن شماله. يا جماعة والله

العزيم ده ما في القبر بس. ده في الدنيا قبل الاخرة يا جماعة. ربنا بيجعل - [00:13:36](#)

مصدر امان لك. ربنا وما كان ربك نسيا. ربنا ما بينسالكش الاعمال الصالحة. المؤمن ما بينساش كل ليلة قمتيها وكل مرة اتكلمت عنه

وكل سجدة سجدتها له لما بيحصل اخطار وتهجم عليك الاخطار. المؤمن بيأمنك من الاخطار بسبب العبادة بتاعتك. بيخليك في

حصن حصين وبيجبرك - [00:13:58](#)

بسبب عبادتك وما كان ربك نسيا. الله المؤمن سبحانه وتعالى كان كانت الصلاة عند رأسه الصيام وعن يمينه وكانت الزكاة عن شماله.

يا سلام! يا منت جميل يا رب يا ما انت كريم يا رب. يا ما انت عظيم يا رب وكان فعل الخيرات عند رجلي بودي جانتات من كل

ناحية. انت تعبت ايه يعني تعبت! يا جماعة احنا - [00:14:18](#)

النهاردة بنمتحن وبندخل شهادات طبية وبندخل شهادات شرعية. وتقعد ليلة الامتحان تعبان ومضطر انك ما تنمش. ومضطر انك انت

توصل الليل بالنهار في المذاكرة واول ما بتخرج من الامتحان الحمد لله يسألك حبايبك كده الاخبار ايه؟ قفلت الورقة بفضل يومين

الله سبحانه وتعالى. اهو ده واحد مقفل الورقة. داخل - [00:14:45](#)

القبر لقي بودي جاردات من كل ناحية. ايه ده! ده العبادات والصلوات والزكوات والصدقات والدعوة الى الله. وصنائع المعروف

والقوافل الخيرية وكلمة الحق والامر بالمعروف والنهي عن المنكر. باشا. داخل القبر المؤمن مأمنه من كل حنة. ربنا سبحانه وتعالى

يأمنك في القبر - [00:15:05](#)

والاعمال الصالحة. اللي انت عملتها لاجل الله. يعني زي وانا باكلمك الوقتي وانت بتسمعني الوقتي تيجي تحاوبك من كل مكان عشان

ربنا سبحانه وتعالى يأمنك من عذاب القبر. انا انا انا عايزك بس خد بالك يا جماعة الرسول عليه الصلاة والسلام بيقول ايه بعد كده؟

بيقول فيؤتى - [00:15:25](#)

من عند رأسه. مين اللي جاي؟ يعني واحد مسلا ماسك عصاية وجاي يضربك؟ ولا واحد ماسك جاي ماسك قبلة وعايز يفجرها فيك!

ملايكة العذاب ملايكة العذاب جاية! انت عملت معاصي في الدنيا! انت عملت مصايب! انت عملت كبائر! تستوجب عليك عذاب القبر!

فيؤتى من عند رأسه! النبي بعد شوية يقول ويؤتى من - [00:15:45](#)

يا مينا بعد شوية ويؤتى من عن شماله ويؤتى من عند رجليه. انت متخيل ملايكة عذاب من الجهات الاربعة. جايين الراجل دا لازم

يتعذب الراجل دا عمل مصايب. الراجل دا عمل - [00:16:04](#)

البنيت دي عملت مشاكل. فتقول الصلاة ما قبلي مدخل ويقول الصيام ما قبلي مدخل؟ وتقول الزكاة ما قبلي مدخل؟ يا ويله اللي ما

عندوش بودي جاردات في اللحزة دي. ويقول فعل الخيرات ما قبلي؟ مدخل او ما قبلي مدخل هو بيؤتى من مين؟ من ملايكة العذاب

- [00:16:14](#)

بسبب الزنوب اللي هو عملها في الدنيا وهي عملتها في الدنيا. فملايكة عذاب القبر جاية تعزبه بسبب الزنوب. فربنا باعت له الاعمال

الصالحة والدعوة الى الله! وقراية القرآن! والصيام والصدقة تأمنوا في القبر عشان لا يخاف. يعني بودي جاردات - [00:16:38](#)

به من كل الاحياء عشان ما يخافش اصلا من ملايكة العذاب من اثار اسم الله المؤمن يوم القيامة وتلقاهم الملائكة. خلاص انت في

القبر بقى الرفيق الصالح والاعمال الصالحة وعيشة - [00:16:58](#)

باشا بقى باشا واتفتح لك القبر مد البصر. اسم الله الواسع بقى والدنيا جميلة جدا. خرجت من القبر يوم القيامة بقى يوم الدنيا كلها لا

مقلوبة ويوم الفزع الاكبر تلاقي ربنا بيقول لك وتتلقاهم يعني ايه تتلقاهم؟ عارفين رئيس جمهورية نازل يزور بلد؟ كبار القوم واقفين  
[00:17:13](#) -

من قبل البلد بخمسين كيلو يتلقوه. واقفين يستقبلوه. يعني ربنا عامل لك حفلة استقبال ملائكية يوم القيامة. المفسرين قالوا  
وتتلقاهم الملائكة اي من اول لحظة يوم القيامة لان منزر نفخ الروح ثاني ولم التراب من الارض والجسم يتكون ثاني وشق الارض  
والطلوع والناس كلها طالعة - [00:17:33](#)

والظلام الدامس والملايكة واقفة مستتية ملايكة الحساب بقى ملايكة الاقتياد فالمؤمن مستحيل ما يخافش في الوقت دا يعني ما هو  
بني ادم فربنا عامل له استقبال ملائكي وتتلقاه الملائكة. الملايكة اللي كانت بتكتب لهم اعمالهم الصالحة واللي كانت معهم في جلسات  
العبادة. الملايكة - [00:17:53](#)

اللي بتحبهم هذا يومكم كأن ربنا المؤمن مش راضي انك انت تدوقي الرعب لحزة واحدة يوم القيامة حد فكر فينا يا جماعة ظل  
عرش الله ده اثر من اثار اسم الله المؤمن يوم القيامة. الساهرة ربنا سمى ارض المحشر الساهرة لان ما فيش نوم فيها الناس كلها  
سهرانة - [00:18:13](#)

الف سنة ما حدش يقدر يغمض عينيه اصلا. يغمض عينيه في ايه! مشاهد الفزع! في كل مكان وفي كل لحظة! يعني انتم انتم  
متخيلين يا جماعة ان يعني ان في وسط ارض - [00:18:37](#)

المحشر ما فيش حصن حصين غير ظل عرش الله وحتى في الجنة زي ما قلت لكم من اعظم انواع نعيم الجنة يا جماعة نعيم الامان  
عشان كده لا يمسه فيها نصب وما هم منها بمخرجين. نعيم الامان. ان الملك ده مش هيروح منك - [00:18:47](#)

اه اه ما فيش اي مصدر للاداء. ما فيش اي مصدر للتوتر في الجنة. معاني جميلة اوي يعني عشنا معها في الحلقة دي وعشنا معها في  
الحلقات اللي فاتت وزى ما باقول لكم انا يا جماعة انا عايز انا عايز اسم الله المؤمن يدخل في قلبنا ما انشاش ابدأ بنت -  
[00:19:04](#)

الكامبرونية كانت اسلمت وآآ وانا زمان وانا في درس من الدروس كانت جت آآ يعني باتت عندنا في البيت مع زوجتي وآآ ربنا سقى  
الينا يعني جت من الكاميرا سافرت في العالم بقى ويا رب تكون النهاردة من الدعاء الى الله يا رب. فكانت باتت مع زوجتي. فانا فاكر  
كلمة قالتها البنت دي ما انساهاش ابدأ. ابدأ يعني كانت بتقول لنا - [00:19:20](#)

انا ربنا دخل في قلبي هي الكلمة يعني هي بتعبر بقى بلغتها البسيطة. انا انا عايز اسم الله المؤمن يدخل في قلبك. انا عايز اسماء الله  
الحسنى تدخل في قلبك. انا عايزك تعيش السعادة. انا عايز - [00:19:40](#)

الكهربا ترجع ثاني لعضائنا يا جماعة. يا اخوانا اي جهاز من غير كهربا ما لوش اي لازمة. انت ايدك دي مش هتعمل بطولات الا لما  
كهربة معرفة الله تيجي فيها - [00:19:53](#)

لسانك مش هينطلق في الكلام عن الله الا لما الكهربا ترجع ثاني للجهاز بتاع اللسان ده اللي هو معرفة الله معرفة الله هي السبب  
الوحيد للسعادة. هي السبب الوحيد للامانة - [00:20:03](#)

الاتصال بالله هو السبب الوحيد للمجد وللملك وللعزة. الله! سبحانه وتعالى! ما فيش امان غير بجوار الله. ما فيش عزة غير من الله  
سبحانه وتعالى. سبحان الله العظيم. يا ايها الناس هو ربنا قال كده. يا ايها الناس يا ملوك يا رؤساء يا اغنياء يا فقراء. انتم الفقراء -  
[00:20:13](#)

يا ملك انت فقير يا وزير انت فقير. يا غني انت فقير. يا ملكة جمال العالم انت فقيرة. يا بنتي يا عادية يا شاب يا يا بتخرج يا طبقة  
وسطى يا طبقة فقراء الفقراء. انتم كلكم فقراء قوي قوي. شفت عزة زي دي - [00:20:33](#)

شفت عزمة زي دي شفت جلال زي ده. سبحان الله رب العرش العظيم. احنا لسة في الرحلة الجميلة اوي اوي اوي دي. رحلتنا مع اسم  
الله المؤمن المرة الجاية بازن الله سبحانه وتعالى هناخد اه اه يعني معنى جديد من المعاني العشرة بتاعة اسم الله المؤمن. اللهم امنا  
مما نخاف. اللهم اهدنا - [00:20:48](#)

قلوبنا. اللهم اجعل قلوبنا في امنك وامانك. اللهم اشرح لنا صدورنا ويسر لنا امورنا. اللهم زك لنا نفوسنا اللهم قوي في رضاك عزمنا.

اللهم ايدنا بروح منك. اللهم امدنا بمددك العظيم. ربنا اتنا في الدنيا - 00:21:08

حسنة وفي الاخرة حسنة وقنا عذاب النار. اللهم اعطنا ولا تحرمنا. اللهم زدنا ولا تنقصنا. واكرمنا ولا تهنا واعطنا ولا تحرمنا واثرتنا ولا

تؤثر علينا وارضنا وارض عنا. اللهم امنا مما نخاف. اللهم امنا مما نخاف. اللهم امنا مما - 00:21:28

اخاف سبحانك اللهم وبحمدك اشهد ان لا اله الا انت استغفرك واتوب اليك انه رب العباد حبه هو خير زاد باسمه الكافي تمسك انا

رأيت انه رب شعبان انا رأيت الرزق قضا لو تحس بالاختناق - 00:21:48

كل هم واسع الرحمت ورب العباد حبه وخير زاد باسمه الكافي انه رب العباد - 00:22:25